

程總長任內之

海軍部文告 (訓令第十九號)

時局初定，來日大難，本總長自維謏陋，膺茲重任，深虞隕越，乃屢辭不獲，勉以衰軀力疾視事。兩月以來，幸我海軍將士一德一心，匡扶不逮，始獲粗安，匪獨私衷欣幸，亦國家之福。惟本總長自歐美歸國，與我將士疏闊久矣，值此時艱，猶把舵中流，礁砂暗伏，針盤不定，災患立至，聞嘗深居默念，引為大懼。今幸與我軍人周旋，區區不欺之誠，久為儕輩所共諒，爰以質實之言，代布胸臆：

夫世界競爭，海軍關係至鉅；而海軍之根本，尤在人才。我國海軍方之世界各國，尙屬幼稚，無庸諱言，且老成之輩，幾經凋謝，所存蓋寡，後起之秀，亦非一朝一夕所能成就，自應為國珍重，力求精進，蔚為大器。至於嚴明賞罰，勤修學業，尤為勸勉人才之道，不容忽視。——此有關於根本者也。

世風日熾，習為奢縱，墮志廢時，莫此為甚。我海軍人員，以身衛國，甘冒風濤，其志趣之卓絕，自不同於流俗；况國步艱難，人民顛沛，於斯已極，我軍人坐糜厚糈，何忍縱情自娛，內慚私德，外喪名譽！嗣後凡一切嗜好，皆當屏除淨盡。持躬不正，斷無功業可圖。我輩軍人，當引為深戒！——此有關於立身者也。

保國衛民，軍人天職，原無省界，黨派，可言。前因國體變更，或懷歧見，今共和建定，五族一家。我海軍皆國家之人，自應以國家為前提，恪守軍紀，黽勉從公。本總長總持部務，用人行政，一秉至公；其有以私意相干者，必加痛斥。願我軍人，共喻斯義，毋自蹈疇尤。——此有關於職守者也。

愛人以德，心所謂危，不敢不告，幸共勉之！此令。

張勳等謀復辟

海陸將士之聲討電

民國成立，於今六年。民心既一，國本已定。何圖張勳等，狼子野心，兇謀突起。竟於七月一日，擁前清幼帝復辟。海陸軍將士，聞此警耗，怒髮衝冠，切齒北向。試思五族共和，猜疑久泯，清帝優待，情禮兼至，何所仇於國家，而造此逆謀，不特四萬萬人艱難締造之共和國體將為所絕，四千年之文明國家將為所覆，且逆世界進化之潮流，招萬國輿論之侮笑，將何以自存？我海陸軍將士，對於中華民國構造維護，艱苦備嘗，扶危定傾，既義之不容辭，亦情之不獲已，誓將殲除兇逆，永定邦基，擊楫中流，誓無反顧。各督軍省長，文武將吏，手創共和，同伸大義，斷不忽視垂危之國命，不一援手！伏願即日出師，揮戈北上，清帝制之餘孽，杜漢奸之蔓延，非惟同胞幸福所關，亦世界安甯所繫也。無任迫切之至。程璧光，盧永祥，率駐滬將士同叩。

程公璧光

致陸幹卿書

幹公巡閱使偉鑒：頃聞節鉞已抵梧州，為國賢勞，至為深感。前曾派鄭魏兩艦長趨詣軍前，想已接清鑒矣。日來粵局更趨危迫。連日迭據演粵各軍長官來言，已與陳督勢成決裂，寧與偕亡。又日擊省會人情洶懼，風鶴頻驚，十室九空，倉皇可憫。私慮一隅不靖，大局因之以動搖！默察軍民心理，所不愜於陳督者，固自有種種原因，非盡由段氏嗾使；然倘因此激成變亂，則實無異為段氏愚弄。現各軍已有騎虎之勢，陳督又不欲示怯，一旦變起，無論誰勝誰負，粵局必潰決不可收拾，不但援湘之後方接濟無所倚恃，而外侮亦且乘之而入矣。議者或

無形，光亦何嘗不作此想，惟觀近來趨勢，各軍正慮執事與陳督關係至密，情難坐視，必將與陳督合兵，加以懲創，故相與惴惴。然以亟謀抵禦，設使執事果率兵東下，則各軍挺而走險，恐執事未至粵，而省垣已兵燹塗地矣。揆之執事初衷，又豈忍出此？再四籌度，於無可補救之中，為之補救，則惟有仗執事英斷：一面令陳督去粵，一面選人接任督軍，而必申明約法，與西南一致，共向護法之目的進行；援湘後方，担任接濟；潮梅方面，担任引平。如此，則陳督可安心而去，各軍亦必無異言，為西南大局計，為粵計，舍此實無他策也。光素以息事寧人為宗旨，安忍坐視決裂，而不一顧。日來苦心焦思，以求調停，願鑒此衷，勉予實行，若疑為有所為而言，則光之生平，當有可以取信者，不待絮絮也。臨楮不盡，尚候 蓋安。不備。程璧光啓。十一月十日。

藝文
李平宇先生詩

續刊

南游越裳舟行綠海石峯林立欣賞奇景兼有所感

用林韻宮韻(丁卯)

疑是繁星落九天。萬千奇石集瀛邊。誰云壺嶠原難到。如此江山亦可憐。獻雉寧能忘越貢。驅羊似尙見秦鞭。南交北海原衣帶。一水盈盈隔莫煙。

漫成

人間是何世。白晝現羣魔。百姓為芻狗。四方有網羅。橫流洪水汎。滋蔓莠苗多。大亂從今始。斯文歷劫磨。時艱悲杜老。地僻愛黎渦。一醉花前酒。狂來自放歌。

丁卯除夕客葦街感賦

天下方多事。他鄉臘又終。罷官今落落。去國昔怱怱。異客情難遣。斯民俗尙同。江山如入畫。草木不知冬。蠻女花爭艷。佛郎

酒正濃。且游戲。失途更何似。搔首問蒼穹。

戊辰立春日葦街關廟酬祭觀禮後有感而作

去年雙十日。孔宮觀祀事。冠帶衣裳漢官儀。跪拜趨踰猶古義。今歲值立春。關廟鄉酬祭。指紳濟濟正衣冠。矩步規行沿典制。勞人去國僑斯邦。無限淒涼懷古意。禮失求野昔賢傷。况求諸夷益悲愧。越裳原是舊南藩。餘韻流風仍未墜。吁嗟人士隸佛郎。上國之遺弗忍棄。神州反顧變歐風。對此寧無感慨繁。明知文物尙維新。古代典章難盡泥。無如文明襲皮毛。政亂教衰民生敝。繫予載筆今采風。耳目恍親漢唐世。但存形式質已非。故事徒循亦何濟。既哀交人復自哀。曷禁潛然為隕涕。

寡婦篇

西鄰有寡婦。芳齡二十五。鬆髻覆歛蛾。淡妝被素紵。覽鏡若為情。玉容已無主。怎奈五更寒。悲啼聞杜宇。守身本冰清。一夕終黃土。相如不可逢。空閨徒自苦。

放言

世事如浮雲。人情似淡水。宇宙極茫茫。俛仰斯觀止。造物原不仁。生之使相殺。大地罪惡場。永劫疇能拔。英雄與名王。泰半大姦慝。卻為有權威。人交頌功德。羣倫有聖賢。世道已衰否。道盛世太平。人人士君子。神僊說長生。而今皆安在。一死終難逃。壽夭何憎愛。美人不必壽。早死亦可惜。惟未見白頭。千年稱艷色。貴不列五福。貧病何如死。唯富與康寧。人生至足喜。

孤鴻

孤鴻向南飛。異域靡所依。豈無蘆花岸。何日鷺雲歸。海天雖寬漠。羅者視寥廓。一聲不敢號。冥冥避繒繳。昔有同羣樂。今乃傷離索。舊侶消息來。生涯亦寂寞。欲作稻粱謀。嗷嗷不可求。誰復來賓逐。炎方難久留。